

## Le uiga o le Toefuataiina o Aoga Faapitoa i Matata Eseese mo tamaiti aoga Pasifika

Ua folafolaina e le Malo fuafuaga e atiae ai se faiga faavae malosi toe faatumauiina mo aoga faapitoa i matata eseese. E fesoasoani e faaleleia ai agavaa o tagatanuu uma o Niu Sila poo fea lava le faasinomaga poo le maualuga o aoaoga poo galuega, ma e fesoasoani i le atinaega o le tamaoaiga o le atunuu.

Ua tele lava suiga ua i ai i lenei vaiata, ma e moomia ona gafatia e aoga faapitoa i matata eseese o nei suiga pe a oo i ai. E fesoasoani le faiga faavae e autasi toe malosi mo aoga faapitoa i matata eseese e siitia ai le lelei o le soifua manuia o tagatanuu o Niu Sila ma lagolagoina atinae e aoga mo tagata uma.

E alagatatau ona lagolagoina itumalo uma ina ia faamanuiaina. O se avanoa e le toe faaluaia ua i o tatou lima e atiae ai se faiga faavae e uunaia ai aoaoga i totonu o itumalo ma aoga o loo faatautaia i se alafua faataatia e tutusa lelei mo le atunuu atoa, ma e mafai ona fetuunai ina ia talafeagai ma galuega o loo i ai i le taimi nei ma le lumanai. E taua tele lou sao i le atinaega o se faiga faavae fou ma o le a faaaauu pea a o faagasolo lea suiga.

### O le a mafai e se faiga faavae e tasi mo aoga faapitoa i matata eseese ona:

**tuuina atu i tamaiti aoga uma aoaoga ma aoaoga e faamasani ai o loo latou moomia** mo galuega

**faamuamua tamaiti aoga e le o amanaiaina e faiga faavae o loo i ai nei**, aemaise i Māori, tagata Pasifika, tagata e i ai manaoga faapitoa ma tagata e maualalo le tulaga na oo i ai aoaoga

**tuuina atu i pule o galuega avanoa e maua ai tagata ua agavaa ma e mafai ona faigaluega** i totonu o itumalo uma o Niu Sila

**tuuina atu i auunaga tau matata eseese le avanoa e taimua ai i le faamautinoaina o tagata faigaluega** i Niu Sila o loo fetau lelei e tusa ai ma manaoga o loo i ai nei ma faanaunautaiga i le lumanai

**faamautinoa o loo galulue soosoo tauau, fetuunai, atiae faiga fou ma faatumauiina auunaga** i totonu o itumalo uma o Niu Sila

**faamalosia le tauleleia o Niu Sila i le lalolagi** o se atunuu maoae e aoga ai

### Le uiga o suiga mo oe

- » I le taimi nei, e leai se suiga mo oe mai toefuataiina nei.
- » E tele se taimi e faaalu i le toefuataiina o suiga nei ma o le a mataituina lelei le gasologa o suiga.
- » E mafai ona e faaulu i aoga i matata eseese ma aoaoga e faamasani ai e pei ona e masani i ai, e aofia ai polokalame e aoaoina mo le tele o tausaga.
- » O le a mafai ona faaaauu pea au aoaoga e aunoa ma se faalavelave.
- » O le a tele ni suiga lelei i lou auai ai i aoaoga i le lumanai, e aofia ai vaega nei:
  - siitia le faatuatuaina o le auunaga tau matata eseese
  - alafua e faigofie ona malamalama i ai ma faaaoga a o fuafua le aoaoina o agavaa fou, tau atiae poo le siitia o le agavaa mo galuega
  - tele atu avanoa e mafai ona maua mo aoaoga e tele le aoga o loo faatino i totonu o galuega o loo faigaluega ai ma fesoataiga ma pule o galuega pe a faatino aoaoga mo galuega i fafo atu ma fale faigaluega
  - gafatia ona sui mai aoaoga o loo faatino i totonu o galuega ma fafo atu o fale faigaluega ma aoaoga e faatino i luga o le initaneti, ma sili atu ona faigofie pe a siitia i se isi itumalo i totonu o Niu Sila.

**talafeagai ma manaoga eseese** o tamaiti aoga i totonu o galuega ma totonu o aoga, aemaise i tagata Māori ma tagata Pasifika

**fesoasoani i tupulaga ia sili atu ona faigofie ona oo atu i le isi laasaga o suiga** mai kolisi agai atu i galuega lelei e auala mai i aoaoga e faamasani ai poo aoaoga maualuga le lelei toe talafeagai i luga o le initaneti poo totonu o le aoga

**lagolago tagata uma ia faaauau galuega** i auala e faamautinoa ai o loo latou maua agavaa fou ma talafeagai o loo moomia e pule o galuega e pei o aoaoga e toe tau atiae ai, siitia o le agavaa ma toe faamanatu agavaa o loo moomia

**fesoasoani i aiga** i se faiga e faamautinoa ai o tagata uma o le aiga o loo mafai ona faigaluega ona ausia lea tulaga, ma e mafai ona ausia lea tulaga a o faaauau aoaoga i agavaa fou e fesoasoani ia latou ausia galuega e sili atu ona maua mai ai faamanuiaga.

## Faaiuga a le Malo

O le Toefuataiina o Aoga Faapitoa i Matata Eseese o se faiga e mafai ai e tamaiti aoga ona aoaoina mo faailoga o loo maua i soo se vaipanoa o Niu Sila, ma le mautu o le mautinoa o loo faamalieina tulaga aoaoina ua aloaia, ma o loo maualuga le aoga ma le lelei o aoaoga ma fesoasoani i taumafaiga o loo faatino e matata eseese.

O suiga autu nei na folafolaina e le Minisita o Aoga i le aso 1 Aukuso 2019:

1. *Atiae se Workforce Development Councils (WDCs)*: E tusa ma le fa i le fitu faalapopotoga e faatonutonuina matata eseese, ma tuuina atu i matata eseese le faatagana e taitaiina ai aoga faapitoa i matata eseese uma lava
2. *Faavae se Regional Skills Leadership Groups (RSLGs)*: O le a tuuina atu e le RSLGs fautuaga i le Tertiary Education Commission, WDCs, ma auaunaga o loo faatinoina aoga faapitoa i matata eseese, e tusa ai ma agavaa o loo moomia i totonu o itumalo.
3. *Faavae se Te Taumata Aronui*: O se vaega o loo fesoasoani e faamautinoa o loo atagia mai i le Toefuataiina o Aoga Faapitoa i Matata Eseese le amanaiaina e le Malo o le galuega faapaaga a Māori ma le Crown.
4. *Atiae se New Zealand Institute of Skills & Technology (the Institute)*: Se faiga faapaaga faitele, autasi toe faatumauina o loo aofia ai itumalo uma o loo maua ai avanoa mo aoga faapitoa i matata eseese, ma faamaopoopo ai vaega e toa 16 o institutes of technology and polytechnics (ITPs) o loo i ai nei.
5. *Tuuina atu le matafaioi mai industry training organisations (ITOs) i auaunaga mo matata eseese latou te lagolagoina aoaoga a o faatino galuega o loo faigaluega ai*: O le a fesoasoani le Institute ma isi auaunaga mo matata eseese e faatino aoaoga e faamasani ai a o faatino galuega o loo faigaluega ai atoa ai ma le tuuina atu o aoaoga ma aoaoga i fafo atu ma le fale faigaluega, ina ia ausia suiga malie i le va o faiga nei ma ia fesootai lelei ma manaoga o matata eseese.
6. *Faavae se Centres of Vocational Excellence (CoVEs)*: O le a faamaopoopo e CoVEs Matata Eseese uma, o isi faalapopotoga tau matata eseese, WDCs, o i latou ua lava le tomai i lea faiga, ma i latou o loo taimua i suesuega, ina ia faatupulaia le maua o aoga faapitoa i matata eseese e maoae le lelei ma faasoa mataupu aoaoina e maualuga le aoga ma le lelei ma ata faataatia mo polokalame i vaega uma o matata eseese.
7. *Faamaopoopo faiga faavae mo fesoasoani tupe mo aoga faapitoa i matata eseese i se faiga e tasi*: O le a aofia uma auaunaga tau matata eseese ma aoga o loo fuafua mo galuega i le tulaga tusipasi ma tipiloma mai le tulaga 3 i le 7 (e le aofia ai le faailoga tikeri) ma aoga e faamasani ai i le faiga faavae autasi mo fesoasoani tupe.

## Le uiga o le suiga mo oe?

E tele se taimi e faaalu i suiga nei ma o le a matou taumafai a o faagasolo nei suiga e faamautinoa o loo aofia uma tagata Pasifika ma tamaiti aoga uma poo fea lava lona faasinomaga i totonu o le faiga faavae fou lenei. E mafai ona e faaulu i aoga faapitoa i matata eseese ma aoaoga e faamasani ai e pei ona e masani i ai, e aofia ai polokalame e aoaoina mo le tele o tausaga. O le a mafai ona faaauau lau aoga e aunoa ma se faalavelave ma, i se taimi o i luma, o le a e iloaina faiga e sili atu ona lelei mo tagata Pasifika mai le faiga faavae lenei.

E faaauau pea le aoga fua i iunivesite, ma fesoasoani tau tupe o loo maua mai i le StudyLink.

O le a tele ni suiga lelei i lou auai ai i aoaoga, i le lumanai. O le a sili atu ona talafeagai le maopoopo o faiga faavae mo tamaiti aoga Pasifika, o latou aiga ma afioaga, e pei ona latou faasoa mai a o faagasolo faatalatalanoaga i suiga o loo manatu i ai e aoga toe maua ai le seleni e atiae ai o latou aiga, nai lo le aoga i le taimi atoa.

O le a tele avanoa mo aoaoga o loo fuafua mo galuega ua faatonuina ma atagia mai ai le lagolagosua o afioaga i taumafaiga a tamaiti aoga Pasifika ia faamanuiaina ai, atoa ai ma le tuuina atu o avanoa e fesoasoani ai i tamaiti aoga Pasifika o loo i ai le agavaa, tomai ma le malamalama o faiga taualoa ma tu ma aga faa-Pasifika.

O le a faamalositia e le faiga faavae fou faiga o loo aoga i le taimi nei mo tamaiti aoga Pasifika ma o le a mafai foi e le faiga faavae fou mo fesoasoani tupe ona uunaia faalapopotoga mo aoga faapitoa i matata eseese ia taulai auunaga i manaoga o tagata Pasifika.

O suiga i aoga faapitoa i matata eseese o le a mafai ai ona siitia le malosi o faalapopotoga tau tekonoosi ma matata eseese i soo se vaipanoa o Niu Sila atoa. O le a faigofie ona maua alafua mo aoaoga, ma faaoga toe malamalama i ai a o saili auala e aoao ai agavaa fou, tau atiae poo le siitia o le agavaa mo galuega.

O le a mafai ona sili atu ona tele avanoa e maua e mafai ai ona maua aoaoga e maua le aoga ma le lelei a o faigaluega ma fesoataiga ma pule o galuega a o aoga ai i totonu o aoga, mo tamaiti aoga, tagata faigaluega o loo aoaoina i le galuega o loo aoga ai. O le a mafai ona e sui mai i aoaoga o loo faatino i totonu o galuega ma fafo atu o fale faigaluega, ma aoaoga e faatino i luga o le initaneti, ma sili atu ona faigofie pe a siitia i se isi itumalo i totonu o Niu Sila.

## O le a le isi laasaga?

O le a faatu se vaega faufautua mo paaga e fesoasoani e faamautinoa le i ai o faiga pito sili ona lelei i faatalatalanoaga o loo faia ma paaga, e aofia ai tamaiti aoga Pasifika, a latou aiga ma afioaga, e fesoasoani i le tau atinaega o se faiga faavae fou mo aoga faapitoa i matata eseese.

Afai e te manao e tuuina sao atu ia te oe tala faaopoopo, faamolemole lesitala e maua ai nisi faamatalaga ona matou lafoina atu lea i taimi uma o tala faaopoopo, ma faamatala i le gasologa ua i ai suiga, ma e faapefea ona faaali sou manatu a o faagasolo isi laasaga. [Lesitala e maua ai tala faaopoopo.](#)

**Mo nisi faamatalaga i le Toefuataiina o Aoga Faapitoa i Matata Eseese, ma faamatalaga moni atoa, e aofia ai faamatalaga moni i 'Le uiga o le Toefuataiina o Aoga Faapitoa i Matata Eseese mo tamaiti aoga' faamolemole silasila i le [Kōrero Mātauranga – the Education Conversation.](#)**